

# **RONGMITUNI MA·AMBI**

**DEWANSING RONGMITU  
B.A. (Hons.)**

**Dokbadale Setaigipa:  
Kroshnil D. Sangma, Padot  
Rongmitu Maharini Bakrimani  
Ku·simkolgre, Williamnagar.**

Acc. No. 19320  
Class No. 895.4 Book No. PON 32  
Author Sangma Kachil D.  
Title Pangmituni  
Maambi.

---

Borrower's	Due Date	Borrower's	Due Date
No.		No.	

---

**DISTRICT LIBRARY**  
**EAST GARO HILLS DISTRICT**  
**WILLIAM NAGAR**

Accession No. \_\_\_\_\_

1. Books may be retained for a period not exceeding *fifteen days* by members.
2. Books may be renewed on request at the discretion of the Librarian.
3. Dog-earing the pages of a book, marking or writing therein with ink or pencil, tearing or taking out its pages or otherwise damaging it will constitute an injury to a book.
4. *Any such injury to a book is a serious offence; Unless the borrower points out the injury at the time of borrowing the book he shall be required to replace the book or pay its price.*

**Help to keep the book fresh and clean**

# **RONGMITUNI MA-AMBI**

**(Rongmitu, Rongrok, Rongchol, Wa-sra unia  
Rongdi)**

**Serikgipa : Dewansing Rongmitu Sangma, B.A. (Hons)**

**COPYRIGHTS © MEBAK 2009**


**ALL RIGHTS RESERVED BY RMB**

**Edited and published,  
on behalf of**

**THE RONGMITU MAHARINI BAKRIMANI,**

**by**

**Kroshnil D. Sangma  
Ku-simkolgre,  
Williamnagar – 794111  
East Garo Hills,  
Meghalaya.**



## **Birapni ma·ambi:**

**Ia ma·ambiko Rongmitu gachi Jingrang Raksam Marak uni depante Nimrod Rongmitu Sangmana Rongbinggre songo agane on·chengaha. Nimrod Rongmitu Sangma uko 25-01-1941 ni salo seaha. Nimrodni pagipani ku·sikoniko serikgipako Dewansing Rongmitu Sangma, 02-03-1942 salo, an·tangni jakchi segataha. Ian Dewansing Rongmituni chimonggipa birapni XLVII gipa bichap ong·a aro iani photocopy-ko Mombithson Rongrok Sangma-ni ripinge donako 2005 bilsio man·aha. Ia birapo pangchake Rongmitu gachi Kroshnil D. Sangma, 2006 bilsio dokbadale seaha aro uko Rongmitu Maharina 2007 bilsio parakaha. Dokbadale ma·talatgiminko chapa ka·na gita 2009 Gal·mak jani 18, Abiso salo matchote sechotaha. Ia Rongmituni Ma·ambiko Bilsio 2009, Mebak/ Mige jani 4, Naringroni salo Rongmitu Maharini Bakrimani bilsini tom·bimongo, Ku·simkolgre songo oprakaha.**

## **JANAPCHENGANI**

Ia kan·dikgipa Rongmitu Maharini Ma·ambini bidingo serikaniko, mikkangchina gimaatgija tangbange ripingna miksonge, chongipa ki·tapni bimango sedomikna gita angna cholko on·anina pilakna skang anga Rongmitu ming Rongrok gimikko mittelchenga.

Iako Dewansing Rongmituni see donanggipa birapo pangchake, miksonganiko mamingkoba dingtangtgija, pilak poraigiparang altue ma·sina man·na gita, biap, song unia re·chapgipa a·selrangko ja·rikesa uarangko tok tok dake suale taridape seaha. Ia Ma·ambiko Rongbinggre A·kingni Nokma, Rongmitu gachirangoni saksa Pa Jingrang Raksam Marak (51), uni depante Nimrod Rongmituna agane on·aha. Nimrod uko 25-01-1941 salo birapo sechengaha. Nimrodni pagipani ku·sikoniko serikgipako 02-03-1942 salo Dewansing an·tangni jakchi segatskaha.

Ia kan·dikgipa serikani birapko Rongmitu Maharini Bakrimani-ni gam ine ripinge donaha. RMB-ni giticham Jakrikra, Pa Mombithson R. Sangma, 2005 bilsio Rongmitu Maharini Bakrimani Pa Willipson R. Marakni noko tom·bimongani salo iako Maharina donangaha. Mahari gimik ua bichapko nikahaon, haida, badiaba salode gimatsrangnaba ngang ine chanchirime, ia gamchatgipa Ma·ambini kattako ki·tap chapa ka·ate ripingna

nanga ine dilgiparangna ku·pattiaha. Unomiting, RMB-ko dikdiksana pakkre chakchina angko Padotna seoke donaha, unia ia birapko namedake nipile badiaba kattarangko srongdapate segatchina gitaba angna pakwatjolaha.

Dewansingni seanggimin birapni kattarangko nipile namdapatna angnade rakbegipa dakgni ong·achim. Indiba namedake Dewansingni jakchi segipa birapko nipiloa uno bang·a namdapatna nanganirangko nikbebeaha. Uano, rama re·o ja·gitdota gita, banoba banoba aganania bitbatanirangkoba nikna man·aha. Uni gimin, ma·ambini ja·kuni ritingko seonchengesa, sawa sani abitang aro sawa sani nogipa ong·na krachim, uarangko changni chang an·piltaitai nina nangaha.

Dewansingni birapni ma·ambi ja·kolko sane dokbadale sechenggipako 2007 bilsio Rongmitu Maharini tom·bimongao parakchengaha. Unon Mahari gimik gimatsrangana bate ripingna man·oan nambata, aro grisrangana bate on·tisaba gamchatbea ine nike ia namdapatgiminko chapa ka·e ripingna namnike ra·chakaha.

Minggipin, haida, badiaba gittim ba a·doko Rongmituni Ma·ambini bidingo janapanirang dingtang ong·naba gnang. Indiba Maharioni niksenggipa unia gisik matsramgipa Dewansing an·tangni jakchi seanggimin birap ong·a ine ma·sie, Rongmitu ming Rongrok

bakrime chanchianio iako ma·ambina ra·chakna kranikaha; uandake, ian Rongmitu, Rongrok, Rongchol, Wa·sra unia Rongdi abisa ma·drangni gimin serikani “Ma·ambi” ong·na nanga ineba ia birapko ra·chakaha.

Beben, Rongmitu abitang dal·bata ma Rongrok abitang dal·bata da·alo uko darangba aganna man·jaha. Rongchol ming Wa·sra Ma·bitchi A·gipi saksanoni ong·bebeama ukoba uamangni gisiko kusi ong·e ra·chakna man·aosa pangchakaigrok. Indiba Rongmitu Maharini Bakrimani ine kotokni bimangko rikani miksonganiara, sawa abitang sawa nokkuri, sawa ba·skang sawa ba·jaman unia sawa seng·bata sawa rakbata uko ma·ekna ba changrikna ong·ja batesa Rongmitu Ma·ambioni ong·katgipa nokmechik sakantini deritchuni nokchongantioniko unia chra ga·gong sakantini gisepo an·tangtangni ma·ambiko talgrike ano abi ra·grike unia jojong ada ingrike bakrimaniona ra·banisan ong·a. Apsandake, A·chik songni pilak noksik nokbak ki·tikantio songdong a·chaenggipa Rongmitu, Rongrokgre, Rongchol, Wa·sra, Rongdi unia uamangni nokchongrangoni - mi bidangsanoni bigengantini bitchri rongprakoni jalbra jalsruanga gita - ong·katgipa bakdilrangni gisepo mikkangchi saksa sakgipinko talgrike cha·ri rongsanoni ong·katgiparang ine an·tangtangko ma·sigrike unia mande ra·grikanian mongsonggipa bakrimaniko mangrakatna ja·ku de·aniba ong·chongmota.

Uni gimin, ia kan·dikgipa serikani Ma·ambiko ripingna  
unia Maharini gisepo an·tangtangko ma·sigrike bakrimaniko  
bilakdapatna dakchakani ong·chongmotgen ine anga  
ka·dongsoenga. Mikkangchi Rongmitu Maharini Bakrimani  
bilakangchina unia bakrimani miksongani ja·kuantio  
chu·sokrroe mangrakbatangkuchina.

*Ku·simkolgre*

*Abiso, Gal·mak 18, 2009*

*Kroshnil D. Sangma*

*Padot,*

*Rongmitu Maharini Bakrimani*

\*\*\*\*\*



## **Koasi Mindini - Songgitcham:**

Koasi Mindini, Te·brong Sangsim, Ola Olding pagitchamrangni songdong a·chagipa songgitchamrangoni gitchambatsranggipa song damsa ong·a. Pagitchamrangoni bang·batan, Mande unia Mitdeni ma·ambiko katta chengo bima kolo, Koasi Mindinio Te·brong Sangsim Ola Oldingo Mande ming Mitde apsan songdong a·charimaonisa chengteke aganronga. Ua songgitchamoan Katchi Mitde Melaram unia Mitde Mande Susaramba donga. Sume aro Dome abisaba ua songgitchamo songdong a·chachenggipa A·chik pagitcham ma·gitcham nokdangrangoni nokchongsa ong·a. Sumeni segipako Ruba, unia Dambeni segipako Jonja minga. Sume aro Dambeni demechikranga Dome Ramse abisa, unia depanteranga Dikrang Diksang adasa onga.

Dikrang Diksang adasa Na·garam Susaram Truma Bawilramo na·ek na·tokko jikchenggiparang ong·a. Bisong adasasa chiakol cho·chenga, china digi kitchenga, gogaiko dokchenga, unia Il·dek chiko ringchenga chong·motan, Il·dek chiko ringe gogaichenggiparang ong·a. Ua Na·garam Susaram Truma Bawilramkon Katchi Mitde Melaram Mitde Mande Susaram ineba minga.

Dome aro Ramse abisani sedranga Suja ming Donja, mamatangranga Koepa ming Bamilpa ong·a. Uamangni Na·garam Susaram Truma Bawilramo songdonge, Il·dek chibimaoniko na·ek jike, unia uko chi ringe gogai doke romiting chasongosa “Matchok mangsako man·jokna Sangma saksako ba·jokna.” Unosa Marak Makal adasa ming Sangma Ranja mamasani gisepgriko, misirongko

kolsusae unia wa·pangmako piksusae, Sangma Marak  
susagrikaha. Unosa Sangma saksakoba ba·jokna, Noe Nojing  
abisakoba neng·jokna.

Dome Ramse abisani dedrangara, Noe Nojing abisa,  
unia Dona Rena adasa ong·a. Noeni segipa Golpa indakeming,  
Nojingni segipara Ja·golpa ong·a. Noeni demechikranga Sokre  
ming Dimre abisa, unia Nojingni dedranga Ajare ming Giljare  
abisa ong·a. Ajareni segipako Ajangpa, unia Giljareni segipako  
Goljangpa minga.

### **Rongro Rongkimjeng, Chiancheng Dachireng:**

Rongro Rongkimjeng Chiancheng Dachireng A·chik  
pagitchamrangni songgitcham damsa ong·a. Ma·ambi aganna  
man·giparang, Doro ra·gipa unia Chera solgipa me·aparang  
Rongro Rongkimjeng Chiancheng Dachirengko  
mingchapronga. Mongsongbate, chengoni pagitchamrangoni  
gangipa potgipa unia man·gipa pakgipani gimin talaton Rongro  
Rongkimjeng song unia Chiancheng Dachireng chibimani  
gimin janapchapronga. Rongmituni ma·bitchi a·gipirangoni,  
Sokre ming Dimre abisa unia adatangrang Roma ming Rojing  
adasa, uamangba Rongro Rongkimjengo songdong  
a·chachenggipa unia Chiancheng Dachirengo ja·andileng  
(ja·anchinik) witchenggipa unia kni gisi galchenggiparang  
ong·a.

### **Weram Jambal:**

Pagitchamrang Rongro Rongkimjeng Chiancheng Dachirengonisa, “Weramona wegnok, Jambalona katgnok!” ine Weramona webajok; unia Jambalona re·bajok. Uno songdong a·chamitingosa pagitchamrang krong dudumako salana unia bilbang batmemako sol·ana. Chong·motan, matchadu bimadotni bimangko kite nokna krong songa unia bilbango bapmeni bimangko sol·e kipa. Uno krong dudumako sale unia bilbang batmemako sol·e nok rika matchotoa Rori Ram Koteko rimgate unia dama mildang bolsako de·gate nokdong gachengaha. Ua Rori Ram Kotean A·chik manderangna silchimako doke unia daremako rue on·chenggipa ong·a. Pilak silchi dareko dakna runa skangba ua ki·chong aro kenchiko tarie on·chengaha.

### **Ma·chong de·retchenga:**

Pagitchamrang ua songgitcham nokgitchamo pilak jatrang baksan ku·monge nangrime, ripeng dake, unia besa kae songdong a·chatokachim. Mitde Mande apan, Rori Me·gam damsan, unia Mande ming Matchadu Matchabet saksa sakgipinko a·jak rimgrikaha; unia nokoba sokachakgrikaha. Unomiting, Sokre Dimre abisa, Sokreni segipa Kaepa unia Dimreni segipa Balepa, bisongba Matchako a·jak rimachim unia Dikgilko sokachakachim. Indake a·jak rimgrike sokachakgrike ku·mong nangrime janggi tangengmitingon uchi Sokre ming Dimre abisako matcha a·kim kangaha.

Uno Matcha a·kim kangana unia Dikgil gro jeana uchi Sokre ming Dimre abisade bilongen kenjok; una abisan sa·ra ong·katgija nokgipinchi nokkra ga·batgija noko napchipe chaktokaha. Sokre Dimre abisani matchana kene noko napkete chakoa uchi Ajare jako gaantiko ra·bite unikoa gaanti morokroke nokni pakmamako nirokroke rotimaha. Unasa noska abitangoni ka·o nange gisik sae, “Nang·ko da·aloni Rongrok chatchi de·gnok!” ine abisa ma·drangoniko rongrokgala gita ma·chong ma·eke mingchengaha. Indakesa, Ajare, Rongrokni ma·dot a·gipi ong·bachengaha.

Indakmitingo, matcha a·kim kangana Dikgil gro rikana, Dimre an·tangko naljokatna ine rong·kolchi nape an·tangko domuengachim. Dimreni indake matchadu matchabetni a·kim kangana rong·chol ba rong·kolo nape katana ukoba, “Nang·koara Rongchol mingainok!” ine Dimreko Rongchol ma·chong de·retataha. Unoni Dimre Rongcholni ma·bitchi gipi ong·baha.

Nogipa Dimreni matchadu matchabetna kene rong·kolchi nape katangako abitang Sokre nikrike una ka·dingpekaha. Nogipani kenana ka·dingpeke Sokre mitduketchangpilaha. Indake nogipa Dimre an·tangni kenani sin·ani salo abitangni an·tangna gitdok mitduketchangpile ka·dingpekanasa gisik sae unia ka·o nang·e, “Nang·ko Rongmitu ine changnok minggnok!” ine Sokrekoba ma·chong ma·eke mingaha. Unonisa Sokre Rongmituni ma·bitchi a·gipi ong·baha.

Ja·mano, Ajareni nokkuri Giljare angse appa man·e, noktang cha·na jamsreng rikna ine nokwa noksa ra·oa krong

**dal·ne de·oa, Giljareni segipa teksrako krong den·e songchengana unia wa·jrakosa nokna bolgro gatchengana. Teksrako krong songe unia wa·jrako bolgro gate jamsreng rike rochenganasa uni noska abitangoni uko nike, “Nang·koara Wa·sra chatchi mingaignok!” ine ukoba ma·chong mingjeangaha. Unoni Giljare aro dedrang Duse ming Ramse Wa·srani ma·bitchi a·gipirang ong·chengaha.**

Ua ong·nanggija a·selko changrongaonisa, Noe aro Nojing abisani dedrang, Sokre Dimre ming Ajare Giljare abisa sakbrini gisepo an·tangtango ma·chong dingtang dingtang de·ret mingretaona sokangaha. Unonisa Ajare Rongrokni ma·dot ong·e uni nokchongoni ong·katanggipa dedrangko Rongrok Mahari; Dimre Rongcholni ma·dot ong·e uni deritchu su·ritchurangko Rongchol Mahari; unia abitang Sokre Rongmitu mingjeako man·e uni deritchu su·ritchu gimik Rongmitu Mahari; unia Giljareni dedrang su·drangko Wa·sra Mahari ine ma·eke ma·chong de·na a·bachengaha.

### **Ma·ekgrika unia song jita:**

Sokre Dimre abisa aro uamangni dedrang, unia Ajare Giljare abisa unia bisongni dedrang gimikan Weramona wegnok Jambalona katgnok ine a·dok chiga gipin Weram Jambalona song katbae uno dongetokaha. Adita bilsirangni ja·mano, Rongrok aro Wa·srani ma·bitchirang, Ajare ming Giljare unia uamangni dedrangoni, Chianchengna Boksangna, Dachirengna Ko·kangna, ua songgitcham Te·brong Sangsim Ola Oldingona Weram Jambaloni katangpilaha. Uno Rongmitu ming Rongcholni ma·bitchirangoni Sokre Dimre abisaba ua songgitchamona pil·angachim; indiba

adita salrangni ja·manon bisong abisade, Matma weramona wegnok Jambalona re·gnok ine Weram Jambalonan re·pilbaha. Rongrok ming Wa·sra abisa ua Rongro Rongkimjeng Chiancheng Dachirengo songdongkamaha. Indiba Rongmitu ming Rongchol abisa ma·drangoni ma·eke Weram Jambalona katpilbaha.

Sokreni dedranga Balare Simare abisa unia Silang Rongsang adasa. Balareni segipako Denang indakeming Simareni segipako Silchang. Dimreni dedranga Chire Balme abisa unia Chireni segipa Buga, unia Balmeni segipa Dingga ong·a.

Balmeni dedranga Dose Sikme abisa unia Goe Gojing adasa. Balareni dedranga Dome Sume abisa uamang Rongmitu ma·dotrang ong·a, apsandake, Balme Chire abisa Rongcholni ma·gipirang ong·a.

### **Rongdi chisamo songdonga:**

Balmeni dedrang Dose Sikme abisa unia Goe Gojing adasa ong·a. Goe Gojing adasa nodrang Dose aro Sikmeko rimbite, “Chia Rongdiko ringgnok, do·do gittingko cha·gnok!” ine Weram Jambaloni, Darang Petchong gita, Khasia a·dokni ari joljol Rongdi chisamona re·ekdilangaha. Uamang Rongdi chibimaona sokange uni chisamo songdongejok, indake Rongdi chibimako chi ringebebejok. Rongdi chisamo songdonge Goe Gojing adasa unia nodrang Dose ming Sikmeko Rongdi chibimachi ma·rape Rongdi ine ma·chong de·retangaha. Unoni Dose Sikme abisa Rongdi chisamo songdonge Rongdini ma·gipirang ong·baha.

## **Salaram Mitdechakchina re·anga**

Balareni nogipa Simare aro uni dedrang unia Balme Chire abisa ma·drangba Rongdi chisamo songdongna re·angpagiparang ong·achim. Indiba uamang Rongdi chisamo songdongna a·dok chiga an·sengnikjae Salaram Mitdechakchipak re·skana ku·mongaha. Rongdi chisamoni Salaram Mitdechakona uamang Me·gam a·dokko nappake re·na nangachim. Ua Me·gam a·doko Matchadu Matchabetrang songdongachim. Skango Sokre Dimre abisako Matchadu a·kim kangana ua a·dokko re·pakmitingode uamang an·tangtangko biming mingjetokjok, unia chatchi de·retangtokaha.

Uno Me·gam a·dok unia Matchadu Matchabetni songrangko nappake Salaram Mitdechakchina re·angmitingon, uamang Goerani Antiko nappake unia Grangre Jantikolko anti cha·pake re·angaha.

Uamang Matchadu Matchabetna kene Me·gam a·dok ari joljol rama re·gelangoa Salaram Mitdechakona sokanggija Balpakramchina brangangaha. Unonisa Balpakramko chokone unia Mahadiko ong·one re·angoa China Jambal Rong·ma Rong·chol ingipaonasa nadikeaha. Uano Rongmitu Rongchol abisa biap kange a·dam dake songdongchakeaha. Uano Rongmitu Rongchol abisa song rochakani giminsa, da·ona kingkingba, ua songko Rongchol song mingenga.

## Saljong Timilram, Misi Melaram

Unoni a dok dingtang chiga gipinko am roroe songreangajosa uamang Bat Balik, Do-ka Balik, Kewal Gat, Ringchobatrang, Minima Miminram Chinima Banpakram ingipa biapona sokangskaha, Ua biapko Jajong Kadoram inebaminga. Ua a songo songdong a chamitingon, Rongdini ma giparangoni saksa, Dokma minggipa sichangaha, Unasa uko Dok a song ba Jajong Kadoram in ming songaba, Ua a psan biapkon, Saljong Timilram Misi Melaram inebaminga. Dokmani siani ja mano, ua biapon bang a chatchirangoni timilchake mela-tom-katokaha. Uano bang a dingtang dingtang chatchirangni apsan timile mela tom-kachakanasa uko "Saljong Timilram Misi Melaram" ine mingjolaha. Unonisa mitam Sangma, saoba Marak, sakoba Ebang, mitamko Saljong unia sakoba A-jong ine an-tangtangko chatchi mingrete unia ma-chong de-rete dingtang dingtang biapchi piprae songdongroroe giproro jalroraangha. Uandake, uno mela tom-kae ma-chong chane unia chatchi de-esa, chatchi ma-chong dingtang biap a dam paltang, unia ku-aganaba ku-tang ong-angaha.

Rongdi ma-chong de-giparange ua Jajong Kadoram minggipa biapon songdongkam a-chakamna namnike dongrikajok. Indakesa da-proroni Bangladesh a songni Mymensing a jani a-pal-a-du songrango Rongdi chatchi dongenga.



## Nengru Pattal Damik A-weona sokbara:

Ua Jajong Kadoramoni, Rongmitu aro Rongcholni ma·gipirang, Simsang chibimako batsote a·bri a·ronggachipakna mikkange do·baha. Uno Simsang chibimako batsote a·ronggako re·sotbaoa Nengru Pattal Damik A·weo nadike sokejok. Uno Simsang chijoljol Damik A·weona re·bamitingo, a·brichipaka do·reng noktop gita dal·gipa ganggijipipana unia bufingehi matcha imibikbikana (el·bikbikana) a·brichipak te·mikkangna pa·sokjaha. Unonisa do·reng ganggijipipana·kene matcha el·bikbikana pa·jae a·bri ja·rekjoljol mikkange re·angskaoa Te·minram Misoram minggipa biapona naeaha. Uno Te·minram Misoram a·chikko doskana inoa, a·bri dochakatna dakmitingoan Dura mikka aldalmi simchangjok; a·an guuri chadoe mitmat ditchangaha. Indake, kosakchi mikka simchange, unia ro guri ditchange, rama re·na biding ma·sijae uamang a·bri ja·rekko re·angtaioa Nokrek Midanona sokeaha. Unoa diblok do·ga gita unia ganggua matchok gita dal·dalako nike mikkangchi re·na pa·jaha. Diblok do·ga gita gangpue ramao dongpengsoana, unia ganggua matchok gita bildingdingana re·mikkangna ka·sokjae an·pildatna nangaiaha.

Unoni bengkachok amenpana unia ganggua do·rokmana kene an·piloa, pil·satai, an·tangtangni re·gimin ja·kolko ja·rike a·bri joljol ong·onbae, ua Nengru Pattal Damik A·weonan sokepaha. Ua Nengru Pattal Damik A·weo uamang bang·a bilsirangna ma·chakaha. Unon Sangma Nokpantesni rike songdongaha, unia chidareko gongsni chane·chiga chi ringaha. Indake songdong a·chaoa, bilsina batbat bilsina batbat, mande bang·daprikrik-

jaldaprikrike Dura rema gongtikpiljajokna, unia Damik ang·ke mangtikpiljahana.

### **Rongcholrang ma·ekrika:**

Nengru Pattal Damik A·weo songdongmitingo, mitamrangde do·reng noktop gitani gangjipjipana unia Dura matcha jinmani el·bikbikana uno songdong a·chakuna kene, dingtang dingtang biapchi katbildangtokaha. Rongchol ma·bitchirangba Simsang chijoljol Aluakpang, chong·motan, Alokpang minggipa songona ong·onangaha. Unona sokangoa buringo do·sik grang tangsikko nikaha; unia chibimao kajong miksik gitchakko nikaha. Indaken, Rongcholrang uno do·sik rim·e pale unia kajong rim·e cha·e songdongna kusi ong·aiaha. Biap apjitnaba do·sik grang tangsikna unia kajong miksik gitchakna ka·pakaiaha. Uno Rongcholrangni dongchake do·sik rim·e palchakramkon da·onaba Do·sikkol ine mingenga. Unonisa ua Simsang chijolni songrango Rongchol Mahari giproraangaha.

### **Do·reng Noktop gitako dinga:**

Nengru Pattal Damik A·weo nikdoatgipa a·kimbri chu·gipani rong·chokdengo do·reng noktop gita ma·bake gangjipjipe dongaiachim. Ua achak cha·ramna man·gija, menggo nokoni ong·katna man·gija unia bi·sa tugalatna on·gija bale cha·engachim. Indake achak menggo dongija bi·sa nibrangna man·gija kenchipchipna nagani gimin ua songo dongrikpipa me·apa chagitchamrang ua do·rengko dingna chanchiaha.

Uno Simareni dedrangba ua do-reng noktop gitako dingchakpana ine Snal Mahari baksa bakrimaha. Damik A-weo dongrikgipa pagitchamrang ku-monge ua do-rengko so-otna timaha. Indakmitngon, Joreng minggipa, Rangsa pante unia Snal gachi, ua do-reng noktop gita dal-gipako goe so-otaha. Jorengni do-reng noktop gitako rong-chokdeng kosakoniko goe dim a-ao ga-akatoa, uchi-Saleng minggipa, Snal pante indakeming Koknal gachi, kilding jakbo gita ong-ako tete torewatsoskaha.

Damik A-we Nengru Pattalo do-reng noktop gitako goe unia kilding jakbo gitako tetesa, Do-renggo Wa-dachong gitan Meseki a-briona gakat gadoangaha. Simare aro dedrangba apsan Meseki a-brichipaknan doangaha.

### **Rong-meram Gambaksimo songdongea:**

Do-renggo Wa-dachong a-briko doange, Simare aro uni dedrang, Meseki a-chikko ong-onangaha. Unonisa Agru gitdakram gita Do-ma bilsotram a-gitdokko re-sote ua Rongon chibima chisam Rong-meram Gambaksimona ong-onangaha. Simare aro uni dedrangni Rong-meramo merame Gambaksimo songdongoa demechik saksa man-dapaha. Ukon ma-ambi agantimgipa me-aparang, “Rong-meramo merama mebisa, Gambaksimo songdongo ba-ejokna me-chiksa!” ine janapronga.

Weramo Jambalo dongrikgipa Balare aro uni dedrang Dome ming Sume abisaba, “Hai nono an-chingba bri wal-e gongdingna re-nama? Dura mikka simdimona katnama?”

ine a·brichipakna katdona ku·mongaha. Uamang Weramoni webae, unia Jambaloni jokbae, Wari gitchak Chi Rong·kuak gita re·bae, Mongri bri Sampe a·dingo najokeaha. Mongri bri Sampe a·dingko domitingo, a·bri an·sengana a·dok nikwatana, “Hai an·chinga Mongri brio ronama Sampe a·dingo dongnama!” ine do·chi gona sima nina aganaha. Uno Me·gam do·chi sikoa Dikgil kodi nioa, Mongri a·bri Sampe a·dingna chagija, “Duramana simdimnasa, wal·emana gongdingnasa, Rong·meramo meramebo! Gambaksimo songdongebo!” ine sima chaskajok. Una Duramana simdimna wal·emani gongdingna mikkange re·angoa chiringo ang·ke ma·gitchakko nikejok unia na·chi ganggitchakko man·ejok. Balare aro uni dedrang, chiring ang·ke ma·gitchakna mikboke unia na·chi gangte ganggitchakna ka·pake, Rongon chisam Rong·meram Gambaksimo Rong·meramo merame Gambaksimo songdongaha.

Balare aro uni dedrang Dome ming Sume, mamatangrang Chilpa ming Ja·golpa, adatangrang Suma ming Dongma, Do·renggo Wa·dachong gita dobagipa Simare aro uni dedrangna skang Rong·meram Gambaksimona sokchenge songdong a·chasoaha. Simare aro uni dedrangde adita bilsirangni ja·manosa Rong·meram Gambaksimona sokbaha. Indakesa soksogipa abitang baksa uno song dongeaha.

### **Dareng chisamona gipanga:**

Jensalo Nogipa Simare sokbaha uni adita bilsirangni ja·mano abitang Balare aganaha, “Nono naa·a rorikbo, angade hal wee cha·na, jong·kol kite rona, a·palna a·duna ianoni katgnok.” Indine aganange Balare nogipako Rong·meram Gambaksimo done

an·tangtangde a·palna a·duna sokange Dareng chisam Torjang minggipa biapo songdongeaha. Ua biapo Manda, Rema, Rechil, Do·kime maharirang rosoengachim; Balareba ua maharirangming apan bakrime bisong baksa ku·mong nangrime, kimgrik donggrike unia nokna ra·grike, songdongpaaha. Ja·mano chi dal·pretgipa ua Torjang minggipa songko chi dubiaha. Ua chi dubiao Torjang songo donggipa manderang bilding bildang brangtokaha. Indakmitingo, Balareni dedranga a·a ran·kalgipa a·ronggachina katdotokaha. Uno chi dubimiting salrango, Balareni dedrangara china kene, rong·mako kila dake delrike chakaha. Untalsa uamangko “Rongmitu Rongtik” minggnok ine dingtang mingjeaha. Uamangni deritchu·su·ritchurang da·onaba Dareng aro Nitai chibimarangni chisamjoljol sari pattal jolo dongenga.

### **Dual unia Matchio songdonggiparang:**

Do·reng noktop gitako dinge tate, Do·renggo Wa·dachong gita re·bagipa Rongmiturang, jean Rong·meram Gambaksimo songdong a·charikgipa - Simareni dedrang su·drangrang: Nembok aro Nambok abisa; Nembokni segipako Mara, aro Nambokni segipako Modpa. Nambokni dedrang – Bokme aro Pebi, Bokmeni segipa Takapa, aro Pebini segipako Ajangpa. Uandake Bokme aro Pebini dedranga Noak, Noring aro Abok ong·a.

Uamangoni Kakwana Silsana doange songdong a·chaegipara Abok; Bawe- Dingrangna doanggipara Noak aro Noring; aro, Rongbing Dualchipak sokbagipara Nembok ong·a. Nembokni segipako Gingsik minga, ua Chada pante; bisonga

Rongbing a·we pal·takko a·chaejok, Chidan rong·ma rikako songdongejok. Uno Rongbing a·we pal·takko a·ba cha·e Chidan rong·ma rikako songdongesa uko a·king gore kange Kosina do·bok den·chengjok; A·song Mitde tatchengjok. Uan da·oni Rongbing chisamni Kosi ba A·song ong·a.

Nembok aro Nambokni chratangranga - Chiring, Chosing, Ebang, Jadang, Cholba aro Danggolpa; mamatangranga - Jawil, Pesim; depanteranga - Chongsin, Pema, Jonda, Golipa aro Najru ong·a.

Nembokni dedrang - Dimre aro Bangre; Dimreni demechikko Merini uni segipako Darasing uara Chada pante. Merinini de Kokme uni segipa Ruga; Kokmeni demechik Mole uni segipa Ronja, Raksam pante. Moleni demechik Dine uni segipa Moda, Raksam pante. Dinini de Asime uni seko Banang, Raksam pante; Dinini gnigipa demechik Bangre uni segipa Suga, uni de Sojing segipa Robi, Raksam pante; Robini chawarirang - Aseng Raksam, Dingsin Chada, Jingrang Raksam; Asengni jikgipa Rese aro Dingsinni jikgipa Dingge.

Rong·meram Gambaksimo songdongegipa Rongmitu Nokgachirang - 1. Intang Usimpa, 2. Dongsa Illingpa, 3. Dome Sangmepa, 4. Konia Rongginpa, 5. Wabrak Tojakpa, 6. Chirang Chongrepa.

Kakwagreo songdonggipa Rongmitu Nokgachirang - 1. Intang Jangepa, 2. Rongjan Meginpa, 3. Sujon Tomanpa, 4. Jongjin Jingginpa.

**Chengoni mitam mingsinggipa Rongmitu chrarang:**

1. Depa Raginpa jik Chada – Papa Budugre.
2. Tochi Dinginpa (Depani Jong) – Papa Budugre.
3. Ajim Tarningpa Jik Chada – song Kakwagre.
4. Toding Rikjanpa “ “
5. Namrang Jongsinpa “ “
6. Denang Simbepa jik Raksam – song Aruakgre.
7. Toren Kang-repa “ “
8. Mikkongpa “ “


**Depa Raginpani nokdang:**

1. Neta Durepa jik Chada – song Jong-kol
2. Saan Runepa “ “
3. Tekjong Nolmepa “ “
4. Nawa Singkupa “ “
5. Rengka Mongjepa “ “
6. Daru Ganjepa “ “
7. Nechi Dagupa
8. Sangga Torengpa Jik Tegitdi
9. Jira Tokrepa
10. Rimjang
11. Alding
12. Jongrin Bumepa.

.....

## Ma·ambini Riting:

Sume aro Dambe abisani dedrang:



**Balareni dedrang :** Dome aro Sume.

**Balmeni dedrang :** Dose aro Sikme.

**Dose aro Sikme :** Rongdi Maharini ambirang.

**Dome aro Sume :** Rongmitu Rongtikni ambirang.

**Simare aro uni dedrang :** Rong·meram Gambaksimo songdong a·charikgiparangni ambirang.

.....



## **Ma·talatani**

**Ma·ambi:** Ma·ani kring; ma·gipani riting; ma·kringni ba ma·chongni ja·ku.

**Chengteke:** A·bachenge chenga; pangchake chenga; chengteka.

**Katchi:** Bimangko nikna man·gijagipa bil gnanggipa.

**Kujikse:** Katchi Rangsi.

**Na·garam:** Na·tokrangni chi wariona doram; chi ka·maoni kosakona dosotsam.

**Truma:** Drubol; cha·simil; maljuri; nokjatchi krong; cha·chat so·chakgipa.

**Ku·jikse:** Trumana ting·itna, cha·similna jakjipna; Trumana ba·a, Drubolna neng·a.

**Gogaia:** Mainaba gisiko an·senge parakani; mainaba kusi ong·preto gogaia.

**Gogai doka:** Gisiko kusi ong·aniko parake gogai doka; a·dok chigako mittele gogai doka; mikchatangna an·tangni ka·saaniko parakna gogai doka.

**Ma·bitchi:** Matchidual unia Chisak ma·gipani ma·gipako ma·bitchi minga.

**A·gipi:** Gitchambatsranggipa; bribatsranggipa; ru·utba tsranggipa.

**Ja·andileng wita:** Ja·ani karangko nata; ja·anchinik wita.

**Kni gisi gala:** Me·chikrang aumitingo kni salsrope gala; auo kni go·okako gala.

**Gangipa potgipa:** Nokma; gangipa; jakpongo jaksil gangipa pakmao do·me potgipa.

**Man·gipa pakgipa:** Man·e cha·gipa; nokma; noko gam bang·gipa, jamo mi pakgipa.

**Krong duduma:** Krong matchadu bimani bimangko  
kitchape sol-a.

**Bilbang batmemako sol-a:** Bilbango bapmeni bimangko  
sol-chapa.

**A-jak rima:** A-ba gamna mande rima; a-bao kam ka-ata;  
a-jak bota.

**Sokachaka:** Noko gimal sokako nokchaka; sokgipako  
nokchaka; nokchaka.

**A-kim kanga:** Me-chikko me-asa kanga; angni jikgipa ine  
kanga; sakgipinko kimna on-ja; sakgipinko kimna dongna  
man-jana gita chanpenga.

**Weram:** Jinma jinma re-ram; rama dilsanko jinma apsan  
re-ram; dru weram.

**Timilram:** Tom-ram; melaram; chimongram; tom-dakram;  
tom-chakram.

**Jala:** Jela, giprora; pipraa; bang-rikrika; ong-katrikrika;  
gipa; gipanga.

**El-bikbika:** Matcha randinga; el-bikbike randinga; matcha  
el-bika.

**Bengkachok:** Dipblok gangma rippu; dipblok dal-gipa.

**Amenpa:** Bilongen dalgi-pa; dal-manchara; dal-bea; dal-pre.


**Do-rokma:** Bilongen bimang dal-gipa; bimangko nikon  
misilpila; do-rokma gita dal-a.

**A-we pal-tak:** Bang-gija a-we dakgipa; pal-taktak dakgipa;  
chisamni a-paltak.

**Chidan rong-rikak:** Chisamo rong-ma rikak rikak dakgipa;  
ro-ongrara dakaigipa.

.....

18 Rongmituni Ma-ambi





**Printed by : N. T. Commercials, Williamnagar**  
**Ph. 9436725555, 9863547555, 9436177555**